

王重陽真君像贊

道著元興運移全隆樓觀終南蓮芳衍系虬
龍之姿風靈之蒸廓然天遊仙風奕世

樂真唐真人像贊

縱閉玄造光振真宗肖形象外合景觀中妙
運風靈心見帝則宸春赫曦湛然淵默

希夷真人像贊

華山白雲惟意所適曠謝浮榮默守玄極至
人無夢乃踵真息控駕扶遙象存太易

侍宸王真君像贊

宿質靈質道契真傳靈括陽雨超乎象先光
贊宸猷淵澤之會木葉遺傳啓我家昧

雷淵黃真人像贊

博大之資清明之炁混融萬殊了徹無際玄
經至道妙乾微言俯仰今古具乎一元

衍素勞真人像贊

江海之器山澤之臞發揮妙用莫測有無秋
空林巖石室靈書洞視遐邇風霆卷舒

貞白周先生像贊

於維皇元顯達斯盛德義之容仁傳之令有

大厥宗昭文斯永平湖靜湖冰雪齋助

穎濱蘇先生像贊

雲日之姿芝蘭之蒸忠肝萬言文來百世看
山蒼空頽水天際千載遺風肅瞻光齊

著山羽服像贊

山林羽服江海清吟冰雪其操春陽乃心翔
鶴扇舟飛鴻素琴匪象可圖寥寥大音

九光丹室銘

京口使公勉氏學道馬跡山世傳太上嘗降
焉遺馬跡而升居福地之一也性敦厚嗜吸

黃書以求養生馬洪武初以選侍祠竹宮者
有年法術亦著於時扁其所居曰九光丹室

走書黃箬山中微子銘銘曰

乾坤為樞闢虛室泰宇發光注金液神丹九

芒兆無質火龍飛奔水虎逸坎離精凝凝太

乙有夫我冠珮鉞寶書垂輝耀星日風行

雲馳駕軒軼

雲馳駕軒軼

峴泉集卷之五

峴泉集卷之六

者山無馬天師張守初撰

青詞齋意

己巳年酬醮宿啓青詞

伏以

天壽趨朝仰効

國恩之報教宗負任惟依

帝造之宏况奏陳懷預患之憂而禍咎有橫

貽之變夙據醮禱允藉終全潔芹藻之一誠

會

聖真之鴻澤俯膺中惕密徹丹忱伏願

聰鑒昭明睿慈博博釋愆瑕於既往咸錫陶

鑄集安裕於邇來悉垂舍育冀款言之上格

寶靈貺以潛敷教脉延禧協春和而日茂

皇圖介福回陽候以時雍

張氏明薦父青詞

自天降質情有禱於玄穹由父生身恩敢忘

於幽壤憶忱請命惕過陳詞伏念先考某生

際時昌沒逢家難極懷綺綉早罹失怙之哀

步陟荆榛粗遂責園之託屆誕之辰適近云

士之日乃先親違終養之嗟而弟有溺淵之恨累欲陳於黜拔竟連阻於塵竊爰致薦修俾諧超悟伏願丹書釋罪青簡垂慈性地朗明悉洗無涯之沉滯泉局洞照普資已往之迷淪凡屬含靈均齊解脫

酬醮早朝青詞

乾道統天為凡世民彝之主宰

皇中建極啓玄科請禱之梯航秉叩夙符陳情昭謝伏念臣某傳宗未冠襲職孔艱災非鼎沸之屢貽繼嗣淵臨之數見志實乖於修飾躬有賴於祈禳時歷因循圖寶臺之萬遍恩垂罔極答

睿澤於一誠仰懷高厚之慈尤冀回旋之造朝儀曉肅盟款是酬伏願釋宥無方矜宥有

在仙曹錄命早育秀於香陽玄教增暉日齊注一

明於景曜

洪禧誕布巨澤咸濡

正醮青詞

乾坤覆載時候屆於誕辰夜科範昭宣齋并酬於素歆仰希

靈貺恭致謝言伏念臣某嗣職年踰撫躬夕惕驅馳非訟幸身衆之復安昭事宗桃感繼承之未遂晨夕之懷憂甚切省修之勵已維新歲醮禱於冲科竭衷誠於宸鑒伏願

皇猷鼎固教脉珍符曰壽曰康介萱春暉之永宜家宜室開蘭闈晝日之長是慶衍於仙基至

恩臨於悃愾年齡茂益髮稚成寧

本宮大殿慶成正醮謝恩青詞

伏以易昭大壯是宮室之由興道煥重離喜殿廷之遂構仰依覆造恭致謝忱伏念臣某

嗣職有年省躬無補上承帝渥章錫賚之寵頒周率衆誠賴施金之咸集歲月之稽察良久斧斤之經始惟艱獲棟

宇於落成馨衷盟於醮悃伏願

皇圖天廣教範春暉宜民宜人介萬姓香肅之杜爰清爰靜安一山寧謐之基及慶衍於宗傳至恩章於鼎固百靈拱衛五福攸同

懺紫微臺青詞

伏以比極拱辰宰乾坤之生育中天御政司人世之權衡恭叩真科敬陳衷悃伏念臣某忝承宗緒仰拜給恩千里趨朝國社適逢於繼統一心祀

帝醮修有命於薦先矧川途驅役之艱多呈運遲留之慮是歎寶臺之虔禱華符金錄之圓成庸致懺忱并伸酬謝伏願紫微昭煥潛回吉曜之暉

黃道開明茂衍遐齡之慶教模增顯春序咸寧

懺臺早朝青詞

伏以維

皇上帝總司主宰之機欽若

昊天式重權衡之任懼災畏之罔測嘗懇禱

以預禳禮詰周圓憶誠懺謝伏念臣某嗣承

越歲之歷多艱願罪業之彌深致憂虞之疊見照臨有赫庸敷首過之祈降鑒無違是馨

朝元之典馳忱綠奏答款

玄穹伏願

皇極昭回

帝心簡在教範光而家道泰壽考益寧登闈
永以春綠昌宗桃協慶愆尤冰釋福社春融

伏以維

皇建極幸歷事於三朝

上帝降衷愧未修於一德據誠答款首過陳
情伏念臣某早嗣仙宗累逢

昌運愆尤山積致貽災否之屯疾疫日深難

保室家之好請禱之忱兩叩安寧之喜再生
符關睚正始之期協中饋承桃之望庸敬酬

於素款并追拔於先靈爰潔蘋羞上析

藻鑿伏願

帝臨有赫

天聽孔昭丹簡標名回楨桿於否曜玉符度

命起沉滯於幽局教範安隆春綠寧遠

巳巳酬醮齋意

宿慶章基早嗣宗傳之爵

國恩是荷歲趨

聖壽之朝慮接對之孔艱念風濤之涉遠仰

析醮禱已沐玄庥昨陳外累之除實藉終全
之祐忽罹橫機旋旋遂安還嘗禱禱叩之版并
答資扶之造伏願

帝臨在上靈降有嚴鑒人欲之衷誠有積愆
之瑕垢

皇國鼎盛日增教統之光家祉春融克協宗
風之振門庭彌永寧謐咸孚

本府年經齋意

歲曆云周幸叨安於四序教樞是荷惟昭答

於一誠況云為多積於悔尤而修進常踈於
傷勵若災非土木之干并人事疾病之患每

陳取叩屢沐保全庸遵饒贖之規敬致酬思
之悃伏念某均依祖澤仰戴

國恩缺溫清於晨昏念憂勞於寒暑匪資懺

釋曷遵首禱伏願忱懇上通康寧存錫

聖域咸春至化克揚於宗教福基開泰祥符

允協於家庭凡冀未來之祐悉希

大造之仁壽求營華榮齊崇等

洪武二十五年
國臺酬醮齋意
時香華蓋山

帝命寵臨為

儲君而請福微躬疾困賴慈母以折安況官
非誣橫之干有遠涉風波之慮省已宜於恐
懼希恩必以折穰神祐默扶醮盟是踐伏願
天錫洪庥星暉景緯家慶日增於遠大仁壽
同躋

邦基時協於隆平

睿謨克廣登闈椿末崇華蘭馨

建溥度齋意

伏念某早嗣仙宗累承

帝渥祖宗功德愧未報於初心言行愆尤慨
莫伸於寸善各從傾逝罔測昇沉兼酬祈懇
之誠益重勳勞之念庸資薦拔并遂首禱惟

大德之好生實不言而善應伏願

東極垂慈南炎受鍊玉符金簡即開五戶之

明丹界朱陵洞煥九幽之燭恩覃有造澤被

無窮

普度早朝薦拔青詞

天高地厚惟德澤之難忘日往月來倏古今

之代謝憶誠請命竭已陳情伏念臣某襲爵

懷慚省躬悔過追報幸資於遠通傷悼彌深

超遠仰及於幽冥謝酬敢後所懼愆尤之莫
首必祈懺滌以均消爰潔清朝并周素款伏
願九幽拔罪五苦停酸保命生根咸證逍遙
之果登真樂界全回發育之春教範光亨春
緣協吉

甲申普度酬醮齋意

伏念恭承承仙緒叨歷

聖朝極慚罪業之深莫遂愆瑕之滌顧病疴
之久因致家室之靡寧叩兩款以摠誠幸百
靈之有格恭陳菲醮上答

宸庥伏願聖造昭回

帝心簡在悔尤獨釋旋否禱之亨通幽壤開
明運慈悲而超悟教風肇國家慶蕃昌凡在
甄陶均祈生育

圓臺建醮誠意

日照月臨皆機衡之所圓陽消陰長恐憂患
之靡寧仰期潛回厄運之屯敬致上籲
昊天之禱禮誥懼稽於四載始生特達於一
誠報款愆期酬恩俟
命伏願

皇覽昭明帝慈溥博教統永隆於山嶽五福
咸臻宗風益茂於蕙薇百祥駢集災非冰釋
嘉慶春融

三清殿上果文

伏以三境神州珠黍現虛无之上界五陵福

地宗壇開龍虎之名山昨逢塵劫之推移復
觀真輪之壯觀

帝恩罔極道化無方欽惟

皇帝陛下乾坤同大日月並明經綸正始於
萬方文軌會歸於四海豐功盛德大成王治
之基

聖子神孫益廣

皇猷之永玄門推重華構維新仰惟

三清三境天尊

虛无至真上帝位三界之元尊為萬天之主

宰玄元始成文而有象梵清景結炁於無窮

紫檢丹書闡十極九霄之內典金科玉律衍

七經八緯之靈章是龍文鳳篆之彰致虎衛

驚駭之會象貝闕琳宮之迴仰聳璇臺藥閣

之雄瞻不日而成於斯為盛再惟

神樂觀仙官本宮住持傳提點蓬閣仙安煙
霞儀表振青瑣紫宸之步領雲門大漢之音
多貴運之經營實山林之柱石再惟

道錄司主領提點左演法曹尊師齋散文章

宰玄綱之樞轄噓呼風雨握秘笈之機衡日

承

寵錫之繁深竭謀維之力又惟住山提舉李

尊師玉輻山輝珠藏淵潤探玄科於法海輔

教席於清都暨總務之群才及施金之多士

佳聲俊望管光霽於明時美譽芳馨共清揚

於化日斯神道之設教而風霆以流形煥然

繡柱雕甍凌空耀日偉矣彩楹綺戶擁霧迴

風高明合景於始青空洞混真於大赤奇峯

靈岫儼蛟騰鳳翥之儀疊較高幢聳霞統雲

蒸之勢宜萬靈之環拱實千載之宏規爰舉

修梁敬陳善頌

梁之東 五雲瑞炁萬空濛日華烜曜金銀

萬壽榮 闕山嶽交輝

梁之南

千峯萬岫翠堆藍霓旌羽節浮空

下一黍高懸北面參

梁之西 瓊林瑤草白雲齊靈巖列岫青城

表萬劫丹光接太微

梁之北 象麓國高天一色漢壇玉局萬靈

尊福著

皇釐朝萬國

梁之上 霧縈霞車鸞鶴仗玉京縹緲太清

家神明區與非無象

梁之下 洞訣神經蓮妙化虛皇壇上月華

明靈璣四擁真仙駕

伏願上梁之後

皇圖益廣玄教增輝四字八荒均被涵濡之

澤群黎萬姓咸資清靜之風道域無窮仙宗

有求

勅建祖師殿上梁文

伏以炎漢教興龍虎乃神仙之官府留侯系

出圭璋為世胄之典儀夙崇

天闕之暇寧拒劫塵之換人謀注久

帝力維新欽惟

皇帝陛下九五開圖一元正統宏模巨智立

皇極以建中

盛德豐功總天官而授曆湯武之鴻基益振

漢唐之茂績斯張懷禹貢以來廷集虞詔而

制禮而

儲器正元良之望兼

親王隆國社之安宜華夷咸樂於雍熙而道

域特沾於

殊渥謀猷日廣柱石天開恭惟

祖師正一冲玄神化靜應顯祐具君道尊玄

省教闡清都神炁風靈實冠冕三山之重簪

裾劔佩著源流奕世之宗累欽福於邦民是

培芳於嗣胤矧際

天朝之優眷頓宏神宇之雄瞻千載洪規一

時壯觀再惟將相良才闡垣英質及四方之

碩德同一代之休光斯道其在焉至神而

無方也六合天經而地緯五城日烜以雲從

霄驅龍吏以運偉材旋捧鶴書而求碧瓦奇

木既成於月府南金時至於雲庭紫府十二

天幻成蓬閣瑤京三萬戶移自方瀛宛然貝

闕丹臺廟矣葉階瓊殿鳳麟洲渚春融三島

而迴鸞鶴雄幢樂徹九清而下駢虹駕霧樓

電摩霄非山川壯麗無以表師相之尊由地

位高明是足冠人天之仰故靈祇拱衛風雷

長挾於仙都而珠璧鮮張星漢上通於

帝所瓊書琳札惟許葛之可方璧壺金莖或

茅丘之足擬當披承四十三傳復建立千五

百世雖神運之有孚亦地靈之所至因時而

就不日而成六偉敬陳雙梁用舉

梁之東 杰分光嶽道猶龍春回曆象朝暉

麗盡在和風長養中

梁之西 仙臺慶岫與雲齊碧池瓊樹煙霞

表時有天書降紫泥

梁之南 塵湖高與華衡參雲旌霧節排空

翠日護長生白玉函

梁之北 道祖飛神超莫測絳衣魚鬣儼層

霄漢象自古神仙宅

梁之上 列帝高居千仞廣靈璣時謁太清

遊王府樞機傳世掌

梁之下 虎衛龍翔羅鳳駕玉書光照五雲

中億劫空同非晝夜

伏願上梁之後

聖壽天長

呈圖鼎盛輔

東儲之光大濟寰宇之謚寧勳名期將相之
蕭曹家業冀士民於揚郭福滿川海方風克
振於丕基德著瑤瑛教脉益隆於震器宗壇
有承道化無方

三門上梁文

伏以龍虎名山著清虛之福地鳳麟別島開
廣大之法門昨經離焰之災是復鼎新之建
道模克顯神化用昭仰惟

三境高尊十方列聖

祖師正一冲玄神化靜應顯祐真君啓正一
之宗風闡玄元之妙化得山峙川流之形勝
弘天經地緯之規繩寶訣瓊文衍千五百年
之仙霄珠宮貝闕崇二十四治之神功門通
日月之往來戶象乾坤之閭闔真翰斯美陟
降是臨再惟神樂觀仙官住持傳提點
北闕歸來領煙霞之舊席東山燕息衣
雨露之殊恩嘉煥號之顯榮實玄門之儀表

再惟住山提舉尊師玉質金聲上謁

龍章之爛熳明珠完璧儼居鶴署之經綸其

贊畫於大成尚謀猷而有求再惟道錄提點

左演法曹尊師文史清標風憲偉度龍錫金

鑄之重恩覃寶閣之尊尤佳贊於山林是相

成於棟宇暨神寶之職司及良工之才轄豐

功偉迹宜光輔於玄樞美擢佳聲共大膺於

清選惟人有物而有則蓋神無體以無方赫

然綺閣雕楹排雲擁霧條爾璇題壁繪飛電

騰空琅璈協駕於霓旌閣道降靈於羽節琳

峯琪樹藹龍翔豹躍之姿靈珮霞裾儼鶴佇

鸞趨之步斯百靈之拱衛乃萬姓之瞻依快

舉雙虹特陳六偉

梁之東 日華朝登海曦紅靈壇儼有風雷

護紫炁浮關曙彩中

梁之南 丹輿絳節下鸞駉明庭遠錫

天香降

帝闕綸音權寶織

梁之西 瓊林爽氣藹巖巖霏瑤壇夜燭丹光

徹金井靈泉噉紫微

梁之下 羽佩朝珂須並駕玄風四海啓民

瞻五福咸歌均

聖化

伏願上梁之後

皇圖天廣玄德春暉百福千祥均戴陶鑄之

澤五風十雨悉歸覆育之中道化丕彰真風

益振

峴泉集卷之六